

# Bozongisi

ya Nsango malamumu ya Yesu Klisto





## NZAMBE AZALI TATA NA YO WA BOLINGO NA LOLA

Nzambe azali Tata wa Yo na Lola. Ye ayebi yo ndenge ozali mpe alingaka yo mingi koleka ete okoki kososola te. Ye alingi ozala na esengo na bomoi oyo mpe na bomoi ya seko.

Mpo na kokokisa ntina eye, Tata na Lola apesaki moango moko oyo ebiangami **nsango malamum**\* ya Yesu Klisto. Yesu Klisto azali Mwana wa Nzambe; bomoi mpe mateya na Ye ememaka kimia na bomoi oyo mpe esengo na boseko.

*Tata na biso na Lola  
amemi na esika na  
yango—kozongisa—bosolo  
ya bonzambe oyo okoki  
koyekola mpe kosalela  
na bomoi. Babosolo oyo  
ebimisamaki na baprofeta  
uta na ebandeli.*

## NSANGO MALAMU EPAMBOLAKA MABOTA MPE BATO

Nsango malamum ya Yesu Klisto epambolaka banso baye bandimaka mpe basaleka yango. Moko ya bisika bileki malamum koleka mpo na koteya mpe kosalela nsango malamum ezali na mabota. Nzambe atii mabota mpo na komema esengo na bana ba Ye, mpo na kopesa biso nzela ya koyekola mabongisi malamum na esika moko ya bolingo, mpe mpo na kolengela biso kozonga na Ye nsima ya kufa. Atako mikangano ya libota ekoki kozala na mikakatano ntango mosusu, Tata na Lola apambolaka biso ntango tosalaka makasi mpo na kolanda mateya ya Yesu Klisto. Mateya maye esalisaka biso kolendisa mabota na biso.

## TATA NA LOLA ABIMISI NSANGO MALAMU NA YE

Lokola eteni ya moango na Ye, Nzambe aponaka baprofeta, ndakisa Adama, Noa, Abalayama, mpe Mose. Baprofeta:

\*Maloba na langi ya motane malimbolami na nkasa 18 mpe 19.

- Bateyaka maye matali Nzambe mpe bazali banzeneneke baleki malamumu ya Mwana wa Ye, Yesu Klisto.
- Bazwaka **bobimisi**, to bokambi uta na Nkolo.
- Bateyaka nsango malamumu na mokili mpe balimbolaka liloba ya Nzambe.

*B*abosolo ibimisami  
ibungaka ntango bato  
baboyaka baprofeta.

Baprofeta bazwaka **bonganzambe**, to likoki ya koloba mpe kosala na nkombo ya Nzambe mpo na kokamba bana ba Ye. Bato oyo balandaka baprofeta bazwaka mapamboli maye

Nzambe alakaki. Baye baboyaka nsango malamumu mpe baprofeta ba Nzambe babungisaka mapamboli maye mpe bakendeka mosika uta na Nzambe. Baye baboyaka baprofeta mpe batikaka mokano na bango ya kolanda Nzambe bazali na ezalela ebiangami **bopengwi**.

Atako mingi ya bana na Ye baboyaka Ye mpe baprofeta ba Ye mbala na mbala, Tata na Lola akobaka se kolinga bana ba Ye. Alingi kopesa biso eloko nyonso to sengeli mpo na kozala na esengo sikawa mpe kozonga na Ye nsima ya kufa na biso. Makomi mabimisi ndakisa ya Nzambe kosembolaka maboko na bana ba Ye, atako toyokelaka ye te ntango nyonso:

- Nzambe aponaka profeta moko.
- Profeta ateyaka nsango malamumu mpe akambaka bato.
- Nzambe apambolaka bato.
- Moke moke bato babosanaka to bazangaka kotosa mateya ma profeta. Nsuka nsuka baboyaka profeta mpe mateya na ye mpe bakweyaka kati na bopengwi.
- Likolo ya bopengwi, bato babungisi boyebi ya nsango malamumu. Likoki ya bonganzambe elongolami uta na ntei na bango.

\*Maloba na langi ya motane malimbolami na nkasa 18 mpe 19.





- Soki ntango ekoki mpe bato babelemi mpo na kolanda Ye lisusu, Nzambe aponi profeta mosusu, azongisi bonganganzambe mpe Eklezia, mpe atindi profeta koteya nsango malamumu.

## YESU KLISTO ATII EKLEZIA NA YE

Uta ntango ya Bokeli, bana ya Nzambe bazalaki kozela boyei ya Mobikisi Yesu Klisto. Lokola Alakaki, Tata na Lola atindaki Mwana na Ye, Yesu Klisto, na mabele mibu 2.000 mileiki.

Yesu Klisto atambwisaki bomoi ya kokoka mpenza, bomoi ezanga masumu. Atiaki Eklezia na Ye, ateyaki nsango malamumu na Ye, mpe asalaki bikamwa mingi. Aponaki bato zomi na babale kozala **Bapostolo** ba Ye, na kati Petelo, Yakobo, mpe Yoane. Ateyaki bango mpe apesaki bango likoki ya bonganganzambe mpo na koteya na nkombo na Ye mpe kosala makuli **ya bule**, ndakisa **libatisi**.

Ntango Yesu atiaki Eklezia na Ye, Ye azwaki malakisi uta na Tata na Lola. Nsima Ye alakisaki bayekoli na Ye. Yesu ateyaki bayekoli ba Ye ete bobimisi uta na Nzambe ezali libanga likolo ya liye wapi Akotonga Eklezia na Ye.

Na nsuka ya bomoi na Ye, Yesu Klisto ayokaki mpasi mpe akufaki mpo na masumu ya moto nyonso azalaki na mpe akozala na bomoi na mabele. Libonza liye ebiangami **Bomikabi**. Na nzela ya bampasi, liwa, mpe **Bosekwi** na Ye, Mobikisi asalaki ete masumu na biso malimbisama. Baye bazali na bondimi na

*Yesu Klisto abongisaki  
Eklezia na Ye:*

- *Abiangaki mpe akulisaki Bapostolo.*
- *Apesaki bango likoki na Ye ya koteya mpe ya kobatisa. Likoki liye ebiangami bonganganzambe.*
- *Nsima ya liwa mpe Bosekwi na Ye, Akobaki kokamba Bapostolo na nzela ya bobimisi.*

\*Maloba na langi ya motane malimbolami na nkasa 18 mpe 19.

Ye, bayamboli, mpe babombi mitindo na Ye bazwaka bolimbisi ya masumu mpe batondisami na kimia mpe bosepeleli.

Nsima ya Bosekwi na Ye, Yesu Klisto akambaki Bapostolo ba Ye na nzela ya bobimisi. Biblia etangi banzela mingi iye wapi Ye akobaki kokamba Eklezia na Ye (tala Misala 10; Emoniseli 1:1). Yango wana Eklezia ya Yesu Klisto ekambamaki na Nzambe kasi na bato te.

## **BOPENGWI MONENE**

Nsima ya liwa ya Yesu Klisto, bato ya nkuna banyokolaki mpe babomaki bandimi mingi ba Eklezia. Bandimi mosusu ba Eklezia babungaki nzela uta na mateya mateyamaki na Yesu Klisto mpe Bapostolo ba Ye. Babomaki Bapostolo, mpe likoki ya bonganzambe—

elongo na bafungola ya kotinda mpe kozwa bobimisi mpo na Eklezia— elongolamaki uta na mabele. Lokola Eklezia ekambamaki lisusu te na likoki

*Na liwa ya Bapostolo ba Yesu Klisto, bosolo ebungaki mbala moko lisusu.*

ya bonganzambe, mabunga makotaki na mateya ma Eklezia. Bato ya malamau mpe bosolo mingi etikalaki, kasi nsango malamau lokola etiami na Yesu Klisto ebungaki. Eleko oyo ebiangami Bopengwi Monene.

Bopengwi boye esalaki ete mangomba mingi masalema na mateya ya boweli. O ntango eye, babali mpe basi mingi balukaki bosolo, kasi bakokaki kozwa yango te. Bato mingi ya malamau bandimaki Nzambe mpe Yesu Klisto mpe bamekaki kososola mpe koteya bosolo, kasi bazalaki te na litondi ya nsango malamau to likoki ya bonganzambe. Lokola mbano, nkola moko na moko basangolaki ezaleli moko ya bopengwi mpo bato bapusamaki na nguya ya oyo bankola ya liboso etikelaki bango, kozwaka mpe mbongwana ya nsango malamau ya Klisto.



**N**zambe ayebaki ete bopengwi  
ekozala. O nzela ya profeta moko  
ya Boyokani ya Kala, Ye alobaki:

*“Tala, mikolo mizali koya . . . ete  
nakotinda nzala na mboka, nzala ya bilei  
te, mpe mposa ya mai te, kasi ya koyoka  
maloba ma Nkolo:*

*“Mpe [bato] bakobanda kotambolatambola  
uta mbu na mbu, mpe uta na nordi kutu  
na esti, bakokima mbango arwa mpe kuna  
mpo na koluka liloba ya Nkolo, kasi  
bakoza yango te.”*

**Amosa 8:11–12**



Boko bato bafulami, ndakisa Martin Luther mpe John Calvin, bandimaki ete misala mpe malongi mabongolomaki to mabungaki. Bamekaki kobongisa biklezia biye bazalaki kati na yango. Nzokande, na kozangaka likoki ya bonganganzambe, nsango malamau ya Klisto ekokaki kozongisama na lolenge na yango ya ebandeli te. Yoko **bozongisi** esengelaki.

## **BOZONGISI YA NSANGO MALAMU**

Na mobu 1820, lokola Asalaki na bolandi ya mambi ma kala, Tata na Lola aponaki lisusu profeta moko mpo na kozongisa nsango malamau mpe bonganganzambe na mabele. Nkombo ya profeta wana ezalaki Joseph Smith. Lokola elenge mobali, Joseph abulunganisamaki na bokeseni o ntei ya biklezia mingi na etuka na ye mpe alingaki koyeba eklezia nini ezalaki ya solo. Eyebaki ye ete azangi bwania, ye alandaki toli ezwami na Biblia ete, “Soki moko na bino azangi bwania, tika asenga na Nzambe, oyo apesaka na banso na motema ya kokaba, mpe na kopamela te; mpe ekopesamela ye” (Yakobo 1:5).

Joseph Smith azwaki mokano ya kotuna Nzambe nini asengeli kosala. Ntango Joseph asambelaki mpo na koyeba bosolo, Tata na Lola mpe Yesu Klisto bamonanaki na ye. Yesu

*Joseph Smith amonaki Tata na Lola mpe Yesu Klisto. Mpo na ntina ya likambo liye, ye alobaki:*

*“Namonaki lokoni ya pole sikisiki mpenza likolo ya moto mwa ngai, koleka bongengi bwa moi, loye ezalaki se kokoba kokita kino ekweyaki likolo na ngai. . . .*

*“Ntango pole yango ezalaki likolo na ngai namonaki Bato mibale, baoyo kani bongengi mpe nkembo ikoki kolimbolama te, kotelemaka likolo na mopepe. Moko na bango alobaki epai na ngai, kobiangaka ngai na nkombo mpe alobaki, kolakisaka mosapi na mosusu—*

Oyo azali Mwana wa Ngai wa Bolingo. Yokela Ye!”

**Joseph Smith— Mambi ma Kala  
1:16 – 17**

\*Maloba na langi ya motane malimbolami na nkasa 18 mpe 19.

ayebisaki Joseph ete asangana na bikelzia mosusu te, mpo “bazalaki banso na libunga” mpe “bazali kobelema penepene na ngai na mbebo ya bango, kasi mitema mya bango mizali mosika uta na ngai, bazali koteya lokola malongi mitindo mya bato, mpe bazali na lolenge moko ya bonzambe, kasi bazali koyangana nguya na yango” (Joseph Smith—Mambi ma Kala 1:19).

Lokola Nzambe asalaki na Adama, Noa, Abalayama, Mose, mpe baprofeta mosusu, Ye abiangaki Joseph Smith kozala profeta o nzela ya nani litondi ya Eklezia ezongisami.

**Y**esu Klisto atindaki  
Yoane Mobatisi mpe nsima  
basato ya Bapostolo ba Ye  
kopesa Joseph Smith likoki  
ya Bonganganzambe.

### **Bozongisi ya Bonganganzambe**

Na 1829, Joseph Smith azwaki likoki ya bonganganzambe se moko oyo Yesu Klisto apesaki na Bapostolo ba Ye. Yoane Mobatisi, oyo abatisaki Yesu, amonanaki na Joseph Smith mpe apesaki likolo na ye **Bonganganzambe ya Alona**, to bonganganzambe ya moke. Petelo, Yakobo, mpe Yoane

(Bapostolo misato ya Yesu Klisto uta ebandeli) bamonanaki nsima na Joseph Smith mpe apesaki ye **Bonganganzambe ya Melekisedeke**, to bonganganzambe monene.

Nsima ya kozwa likoki ya bonganganzambe, Joseph Smith atindamaki kobongisa Eklezia ya Yesu Klisto lisusu na mabele. Na nzela na ye, Yesu Klisto abiangaki lisusu Bapostolo Zomi na babale.

Kaka lokola Yesu Klisto akambaki Bapostolo ba Ye o nzela ya bobimisi nsima ya Bosekwi na Ye, Azali kokoba kokamba Eklezia lelo oyo o nzela ya baprofeta mpe bapostolo na bomoi. Mokambi ya Eklezia ya Yesu Klisto ya Basantu ba Mikolo mya Nsuka azali profeta aponami na Nzambe lelo. Ye, basungi

\*Maloba na langi ya motane malimbolami na nkasa 18 mpe 19.

**Petelo, Yakobo, mpe Yoane—Bapostolo ba Yesu Klisto—bapesaki Bonganganzambe ya Melekisedeke na Joseph Smith.**





ba ye, mpe Bapostolo Zomi na babale bazali na likoki ya bonganganzambe oyo ezalaki na baprofeta mpe bapostolo banso ya ntango ya kala. Bato oyo bazali baprofeta, bamoni, mpe babimisi.

## BUKU YA MORMON

Lokola eteni ya Bozongisi ya nsango malamau, Nzambe abimisasi Buku ya Mormon: Litatoli Mosusu ya Yesu Klisto. Na nguya ya Nzambe, Joseph Smith abongolaki buku oyo uta na likundoli moko ya kala ekomami likolo ya palaki ya wolo. Buku ya Mormon ezali “likundoli lyoko ya misala mya Nzambe elongo na bafandi ya kala ba Baamerika mpe ezali na litondi ya nsango malamau ya libela” (Boyingisi ya Buku ya Mormon).

Buku ya Mormon ezali litatoli moko ya nguya ya Yesu Klisto. Esalisaka biso kososola mateya na Ye, kozwaka mpe maye na Biblia.

Buku ya Mormon ezali elembo oyo ezali kondimisa Bozongisi ya nsango malamau o nzela ya Joseph Smith. Okoki koyeba yo moko ete Buku ya Mormon ezali solo. Mpo na kozwa boyebi oyo, osengeli kotanga yango, komanyola nsango na yango, mpe kolinga koyeba soki ezali solo. Osengeli kosenga Tata na Lola andimisa ete ezali liloba na Ye. Wana ekosala yo bongo, Ye akobimisela yo o nzela ya **Molimo Mosantu** ete ezali solo.

**O**kokoyeba ete maye bamisionele bateyaki ezali solo soki otangi mpe osambeli mpo na eye etali Buku ya Mormon:

*“Soki bosengi na motema mwa bosembo, na mokano mwa solo, kozalaka na bondimi na Klisto, akomonisa bosolo na yango epai na bino, na nguya ya Molimo Mosantu.*

*“Mpe na nguya ya Molimo Mosantu bokoki koyeba bosolo bwa makambo manso.”*

**Moroni 10:4–5**

\*Maloba na langi ya motane malimbolami na nkasa 18 mpe 19.

Wana ekoya yo koyeba ete Buku ya Mormon ezali solo, okoya lisusu koyeba na nzela ya Molimo Mosantu ete Joseph Smith azalaki profeta ya Nzambe, ete nsango malamumu ya Yesu Klisto ezongisamaki na nzela na ye, mpe ete Eklezia ya Yesu Klisto ya Basantu ba Mikolo mya Nsuka ekambami lelo na profeta moko mpe bapostolo.

### **N**akosambela Lolenge Nini?

- *Loba na Tata na yo na Likolo.*
- *Bimisa mayoki ma motema na yo (botondi, mituna, bonsenga mpo na kondima bosolo ya Buku ya Mormon mpe ya maye bamisionele bateyaki).*
- *Sukisa (“Na nkombo ya Yesu Klisto, amene”).*

### **LOLENGE NINI EKOKI NGAI KOYEBA?**

Okoki koyeba ete nsango oyo ezali solo. Soki osengi Tata na yo na Lola na losambo, okoki kozwa eyano uta na Ye o nzela ya Molimo Mosantu. Molimo Mosantu abiangami lisusu Molimo ya Nzambe, mpe moko ya misala na Ye ezali kotatola, to kondimisa bosolo.

Boyebi oyo ekoki kozala ya bikamwa mpe oyo ebongolaka bomoi, kasi eyaka mbala mingi lokola elikya ya solo, na kozangaka kolakisa nguya ya Nzambe

na loyenge. Molimo Mosantu andimisaka bosolo o nzela ya mayoki, makanisi, mpe mabeti na motema. Lokola eteyami na Biblia, “Mbuma ya Molimo ezali bolingo, esengo, kimia, kokanga motema, boboto, bolamu, bondimi, bosokemi, [mpe] komibatela” (Bagalatia 5:22–23). Mayoki maye uta na Molimo Mosantu ezali bobimisi mpo na yo moko ete nsango malamumu ya Yesu Klisto lokola ezongisami o nzela ya Joseph Smith ezali solo. Nsima nde okopona soki okotambwisa bomoi na yo engebene na boyebi oyo ozwi.





## MOLONGO YA MALOBA

**Bonganzambe ya Alona** Bonganzambe ya moke.

Bonganzambe oyo ezali na likoki ya kobatisa mpe ebiangami na nkombo ya Alona na Boyokani ya Kala ya Biblia.

**Bopengwi** Ntango bato, Eklezia, to bikolo mobimba batiki kolanda to basundoli nsango malamuru ya Yesu Klisto. Bopengwi ewutaka na bokabwani, mobulungano, to bobungisi ya likoki ya bonganzambe, to likoki ya kosala na nkombo ya Nzambe.

**Apostolo** Nkombo Yesu Klisto apesaki na babali zomi na mibale baye Aponaki lokola baninga ya mosala ya penepene na Ye o ntango ya mosala na Ye na mabele mpe na nani Apesaki likoki ya kosala na nkombo na Ye. Na bantango ya lelo oyo, Yesu Klisto abiangi bato mosusu kosala lokola Bapostolo ba Ye. Lokola na bantango ya kala, Apostolo azali nzeneneke ya malamuru koleka ya Yesu Klisto mpe azali na likoki uta na Ye.

**Bomikabi** Likambo oyo epesaki biso makoki ya kozongisa boyokani na Nzambe. Komikaba ezali koyoka mpasi ya etumbu mpo na masumu, boye kolongolaka mpasi ya lisumu uta na mosumuki oyo ayamboli. Yesu Klisto azalaki bobele moko oyo akokaki kosala Bomikabi ya bobongi nie mpo na bato banso. Bomikabi na Ye esangisi mpasi na Ye mpo na masumu na biso, bosopi ya makila na Ye, mpe liwa mpe Bosekwi na Ye. Likolo ya Bomikabi, moto nyonso oyo azwaki bomoi akosekwisama. Bomikabi epesi biso lisusu nzela ya kolimbisama uta na masumu na biso mpe kozala elongo na Nzambe libela.

**Libatisi** Eteni ya ntina monene mpo na kozwa bolimbisi ya masumu. Na nzela ya libatisi mpe nkotisa na likoki ya bonganzambe, tokomi bandimi ba Eklezia ya Yesu Klisto ya Basantu ba Mikolo mya Nsuka. Libatisi esalemaka na bozindisi, elingi koloba ete moto oyo azali kobatisama atiami mpo na ntango moke o nse ya mai. Libatisi elakisi bolingi na biso ya kolanda ndakisa ya Klisto mpe kosala mayokani na Nzambe.

**Nsango malamuru** Moango mwa Tata na Lola esalisaka biso kozwa kimia na bomoi oyo mpe esengo na boseko. Nsango malamuru efandisami na Bomikabi ya Yesu Klisto mpe esengi biso kozala na bondimi na Ye,

koyambola, kobatisama, mpe kozwa Molimo Mosantu, mpe kotia molende kino nsuka.

**Molimo Mosantu** Abiangami lisusu Molimo Mosantu, Molimo mwa Nzambe, mpe Molendisi. Atatolaka, to andimisaka, maye matali Tata na Lola mpe Yesu Klisto mpe abimisaka mpe ateyaka bosolo.

**Bonganganzambe ya Melekisedeke** Bonganganzambe ya likolo mpe ya monene. Ebiangami na nkombo ya Melekisedeke na Boyokani ya Kala ya Biblia, oyo azalaki nganganzambe mpe mokonzi ya likolo mpe ya sembo.

**Bokuli** Molulu ya bule, ya momeseno esalemi na likoki ya bonganganzambe. Yoko ndakisa ezali libatisi.

**Bonganganzambe** Likoki mpe nguya ya Nzambe. Nzambe apesaka nguya oyo na moto mpo na kosala na nkombo na Ye. Bonganganzambe ya Alona ezongisamaki epai ya Joseph Smith na Yoane Mobatisi, oyo abatisaki Yesu. Bonganganzambe ya Melekisedeke ezongisamaki na Petelo, Yakobo, mpe Yoane, basato na Bapostolo zomi na mibale ya Yesu.

**Bozongisi** Kosala eloko moko lokola ezalaki liboso; kozongisa yango; kokomisa yango sika. Nsima ya kobungisa bosolo mpe likoki uta na mabele, nsango malamuru ezongisamaki o nzela ya Profeta Joseph Smith. Bozongisi ekeseni na bobongisi na ete *kobongisa* elingi koloba kobongola ebongiseli to momeseno oyo ezali na lolenge ete ezongisama na ezalela na yango ya ebandeli, nzokande *kozongisa* elingi koloba kozongela kotia to kozongisa sika ebongiseli ya ebandeli to momeseno na mobimba na yango.

**Bosekwi** Nsima ya liwa ya nzoto, bosangisi ya molimo na nzoto ebongisami nie ya mosuni mpe mikuwa. Yesu Klisto azalaki moto ya yambo ya kosekwisama.

**Bobimisi** Lisolo kati na Nzambe mpe bana ba Ye, mingi mingi o nzela ya Molimo Mosantu. Bato bakoki kozwa bobimisi mpo na kokamba bomoi na bangomei, kasi bobele profeta aponami na Nzambe akoki kozwa bobimisi mpo na mokili mobimba. Bobimisi eyaka na ndenge mingi, kasi mingi koleka na yango eyaka lokola makanisi, mayoki, mpe mabeti na motema.

## BOYEKOLI MOSUSU

Mituna mpe makomi elandi ekosalisa yo koyekola mingi koleka na ntina ya mateya kati na mwa buku oyo mpe komanyola yango. Molongo ya makambo ekoki kososolama te; makomi na nse ya lokasa mpe makomi makokani na makomi ekotinda yo na matangi mpe buku mosusu.

**Elingi koloba nini mpo na yo ete Nzambe azali Tata na yo na Lola?**

Malaki 2:10 (Biblia, Boyokani ya Kala)

Baebele 12:9–10 (Biblia, Boyokani ya Sika)

---

---

---

**Nini ezali mosala ya profeta? Mpo na nini ezali motuya na koyeba ete Nzambe alobaka na baprofeta?**

Amosa 3:7 (Biblia, Boyokani ya Kala)

Yakobo 4:4–6 (Buku ya Mormon, lokasa 148)

---

---

---

**Elingi koloba nini kozala na likoki ya bonganzambe? Lolenge nini moto azwaka likoki liye?**

Matai 10:1 (Biblia, Boyokani ya Sika)

Yoane 15:16 (Biblia, Boyokani ya Sika)

---

---

---

**Nini esalemaka ntango likoki yango ebungi?**

Amosa 8:11–12 (Biblia, Boyokani ya Kala)

1 Nefi 13:24–29 (Buku ya Mormon, nkasa 29–30)

---

---

---

**Bapostolo ba Yesu bayebaki ete bopengwi ekosalema?**

Misala 20:28–31 (Biblia, Boyokani ya Sika)

2 Batesaloniki 2:2–3 (Biblia, Boyokani ya Sika)

2 Timote 4:3–4 (Biblia, Boyokani ya Sika)

---

---

---

**Elingi koloba nini mpo na yo ete nsango malamumu ya Yesu Klisto ezongisami na nzela ya Joseph Smith?**

*Litatoli ya Profeta Joseph Smith (buku ya moke)*

---

---

---

**Buku ya Mormon ezali Nini? Lolenge nini ezali yango litatoli ya libiangi ya Joseph Smith lokola profeta?**

Lokasa ya nkombo ya Buku ya Mormon

Boyingisi ya Buku ya Mormon

---

---

---

**Nini ezali mosala ya Molimo mosantu?**

Alma 5:45–47 (Buku ya Mormon, lokasa 266)

Moroni 10:3–5 (Buku ya Mormon, lokasa 650)

---

---

---

## KUMBAMELA ELONGO NA BISO

YAKA MPE MONA LOLENGE NINI NSANGO  
MALAMU EKOKI KOPAMBOLA BOMOI NA YO.



Likita ya elambo ezali eteni ya motuya ya milulu ya bogumbameli. Yango ewumelaka ntango nyonso ngonga moko koleka moke mpe esalemaka na maye malandi:

*Nzembo:* Eyembami na lisanga mobimba. (Buku ya nzembo epesami.)

*Nsambo:* Ipesami na bandimi ba Eklezia ena.

*Elambo:* Lipa mpe mai ipambolami mpe ikabolami na lisanga mobimba na bokundoli ya Bomikabi ya Yesu Klisto.

*Balobi:* Mingi mingi mondimi moko to bandimi babale ya lisanga oyo bapesamaki mokumba liboso bakoloba na mpo ya nsango malamau.

*Elateli:* Babali mpe bana mibali balataka mingi mingi kazaka to patalo ya kitoko na simisi mpe kravati. Basi mpe bana basi balataka maputa to jupe.

Makabu masengami te o ntango ya milulu ya bogumbameli.

Tobengi bino lisusu koya na makita mosusu, engebene na matomba na yo mpe molongo ya mibu na yo. Molongo mpe bosalemi ya makita maye ekoki kokesena.

*Eteyelo ya Eyenga* Bakelasi ya boyekoli makomi mpe malongi ma nsango malamumu.

*Makita ma bonganzambe:* Bakelasi ya babli mpe bana babali ya mibu 12 mpe koleka.

*Lingomba ya Bamama Basungi:* Bakelasi ya basi ya mibu 18 mpe koleka.

*Bilenge Basi:* Bakelasi ya bana basi ya mibu 12 to 18.

*Eteyelo ya Bana:* Molulu ya lisanga mpe kelasi ya bana ya mibu 3 kino 11. Mama mobateli mpo na bana ya sanza 18 kino mibu 3 ezalaka mbala mingi.


Ntango ya likita ya elambo: \_\_\_\_\_



Mateya na ndako ya losambo: \_\_\_\_\_

\_\_\_\_\_

# Nini Nasengeli Kosala?



- Tanga Buku ya Mormon.

Matangi ya kotala: \_\_\_\_\_

- Sambela mpo na koyeba soki Joseph Smith azalaki profeta mpe ete Buku ya Mormon ezali liloba ya Nzambe.
- Kokende na ekelezia
- Kamata mokano ete okolanda Mobikisi na kozwaka libatisi. Mokolo ya libatisi: \_\_\_\_\_

- Tala [www.mormon.org](http://www.mormon.org) mpo na koyekola mingi etali nsango malamamu ezongisami ya Yesu Klisto.
- Koba kokutana na bamisionele mpo na koyekola mingi mpo na eye etali bosolo boye Nzambe asili kozongisa o nzela ya baprofeta ba mikolo ya lelo.

Bokutani ya nsima: \_\_\_\_\_

- Nkombo mpe nimelo ya telefone ya bamisionele: \_\_\_\_\_

EKLEZIA YA  
YESU KLISTO  
YA BASANTU BA  
MIKOLO MYA NSUKA

[www.mormon.org](http://www.mormon.org)

#### Etani ya Bilili

Lokasa ya Libanda: *Mwana Mpate oyo Ebungaki*, na Del Parson. © Del Parson. Epekisami

komekolia

Lokasa 2 © Cornstock

Lokasa 5: Elili uta na Profeta Isaya Koyebisaka Mbotama ya Klisto, na Harry Anderson

Lokasa 6: Elili uta na Klisto Kokulisaka Bapostolo Zomi na Babale, na Harry Anderson

Lokasa 13: Elili uta na Bozongisi ya Bongananzambe ya Metekisedeke, na Kenneth Riley

Lokasa 14: Elili uta na Yesu Klisto na Amerika, na John Scott

©2005 na Intellectual Reserve, Inc. Lotomo nyonso na Bakomi. Ebetami na Etazini ya Amerika.

Bondimami na lokota ya Angele: 1/06 Bondimami ya bobongoli: 6/08. Bobongoli ya

*The Restoration of the Gospel of Jesus Christ*. Lingala. 01196 639

LINGALA



4

0201196639

7

01196 639